

太常少卿程瑀給事中

吏部侍郎李光吏部尚書

吏部侍郎李弥大戶部尚書

徽猷閣直學士知漳州綦密禮吏部侍郎兼權

直學士院

給事中胡交修顯謨閣待制提舉江州太平觀

李綱除觀文殿學士荆湖廣南路宣撫使知潭州

福建轉運判官張翬考功員外郎

起居舍人康剛權吏部侍郎

故武功大夫康州防禦使提舉江州太平觀陳

淬贈拱衛大夫遙郡觀察使與兩資恩澤

李友聞復集英殿修撰差提舉江州太平觀

給事中黃叔敖兼侍讀吏部侍郎廖剛兼侍講

北山小集卷第二十八

內制 進故事

綦密禮辭免吏部侍郎兼權直學士院不允詔

擬試武臣節度使除開府儀同三司制

已下六道擬試

觀文殿學士除保大軍節度使制

宗室開府郡王檢校太保加食邑制

資政殿大學士安撫大使奉國軍節度使制



交趾國王加恩制

戒百官勤修職事詔

移蹕至臨安府手詔

右僕射令作余以是翰  
林學士職事不果納

進故事五篇

罷講日講筵官翰林  
學士兩省官輪進

北山小集卷第二十九

進講

論語講義第十五授

孟子講義第三授

論語講義第十七授

孟子講義第五授

論語講義第十九授

孟子講義第七授

論語講義第二十授

孟子講義第九授

北山小集卷第三十

墓誌銘

寶文閣直學士中大夫致仕太原郡開國侯食

邑一千四百戶食實封一百戶贈正議大夫王

公墓誌銘

朝散郎直秘閣贈徽猷閣待制蔣公墓誌銘

宋故朝議大夫新知秀州軍州事兼管內勸農

使武功縣開國男食邑三百戶賜紫金魚袋葉

公墓誌銘

北山小集卷第三十一

墓誌銘



先妣遷奉墓誌

宋故右迪功郎監潭州南嶽廟富君墓誌銘  
承議郎信安江君墓誌銘

儒林郎睦州建德縣丞程君墓誌銘

宋故德興縣君宋氏墓誌銘 為王侍郎  
彦舟作

朝議大夫郭公宜人周氏墓誌銘

宋奉議郎孺人曾氏墓誌銘

嘉興周君墓誌銘 代江仲  
嘉作

北山小集卷第三十二

墓誌銘 墓表

宋故安人戴氏墓誌銘

宋故尚書吏部員外郎鄭公安人錢氏墓誌銘

宋故焦山長老普證大師塔銘 為傳國  
華作

宋故大庾縣尉贈朝奉大夫南城鄧公墓表

宣義郎知常州江陰縣朱君墓誌銘

通直郎湖州司刑曹事顧君墓誌銘 代江仲  
嘉作

北山小集卷第三十三

墓誌銘

衢州開化縣龍華院意上座塔銘

朝散大夫行尚書司封員外郎毛公墓誌銘



北山集目錄  
四十五  
江仲舉墓誌銘

蒲陽方子通墓誌銘

江器博墓誌銘

承奉郎致仕楊君墓誌銘

宋故中散大夫知號州軍州事李公墓誌銘

為傅冲益作

宋故徽猷閣直學士左中奉大夫致仕贈左通奉

大夫趙公墓誌銘

北山小集卷第三十四

行狀

延康殿學士中大夫提舉杭州洞霄宮信安郡

開國侯食邑一千七百戶食實封一百戶贈

正奉大夫王公行狀

故武功大夫昭州團練使驍騎尉徐公行狀

北山小集卷第三十五

狀劄一

吳江縣申乞准赦放秋苗議狀

吳江回申講求遺利狀

乞罷著作佐郎恩命申尚書省狀

乞許六叅官赴二十六日起居

建炎三年二月隨駕初到杭州

省官

奉聖旨令都司勘當以聞

論淮南撫諭

論徐廌禦賊賞

乞早行越州告變人賞

三年三月初乞郡或官觀劄子



北山小集卷第三十六

狀劄二

辭免太常少卿申尚書省狀

四月二十二日車駕經由秀州賜對劄子

寄李樞密論事劄子

寄李丞相劄子

北山小集卷第三十七

狀劄三

十月五日車駕經由上殿劄子

乞免秀州和買絹奏狀

論本州冗員及權官等事

尋准尚書省劄子奉聖旨益倉監官減三員

乞差陳沔充將領

論撥還平江府定慧院官田

乞留鄧根通判秀州

辟官奏狀

申呈兩府劄子

申御營使司乞先次勒停使臣宋卸狀

北山小集卷第三十八

狀劄四

紹興元年三月四日上殿劄子

四月納相府劄子

修城乞度牒



申宰執劄子 九月 二月納富樞密劄子

納相府劄子 五月納相府劄子

再論省官劄子 論事劄子 會罷職不果上

初召到越州呈宰執論事劄子

進麟臺故事申省狀 納宰執論事劄子 三

北山小集卷第三十九

狀劄五

辭免召試中書舍人狀 辭免除中書舍人狀

舉自代狀 二十四日授告二十五日告謝賜章服十七日正謝

繳詞頭狀 繳李處勸再任詞頭奏狀

繳宋喚詞頭奏狀 轉對狀

辭免權侍講狀 十月十三日上殿

繳詞頭奏狀 繳宣州起復司戶叅軍狀

繳江東大使司辟持服人狀

劄子 十月十一日上 應詔薦士狀

十月三日納宰相劄子

北山小集卷第四十

狀劄六

府第納宰相劄子 申省狀

乞住講月分不支職食錢奏狀



申堂改正王擇仁轉官不合命詞狀

乞貼改勅黃劄子

繳蘇易轉行橫行奏狀

繳任源管押成都府等路內藏庫金銀疋帛等

奏狀

正月二十九日上殿劄子二

繳錄黃奏狀

繳錄黃狀

二月二十日實封奏

二十二日承省劄備坐白劄子上言云奉  
聖旨罷中書舍人提舉江州太平觀

北山小集卷終

宋故左中奉大夫徽猷閣待制新安縣開國伯  
食邑九百戶致仕贈左通奉大夫程公行狀

龍圖閣學士左中奉大夫提舉江州太平觀

鄱陽縣開國子食邑五百戶賜紫金魚袋程

瑀撰





北山集卷第一

古詩一

雜興十首

信安程俱

一日復一日百年如此耳那將千百計來日何窮已  
逝者不可追來者安可知正恐聞道晚勿言功用運  
誤點成駁牛妙技有餘賞作意畫虵足至今猶撫掌  
君看人間事類此或往往浩歎可柰何悠然起遐想  
中夜忽自省昔我今是非音聲故如昨齒長鬚滿頤  
有人夢中言子念無乃癡今猶昔人耳昔人安在茲



北山集卷第一

古詩一

雜興十首

信安程俱

一日復一日百年如此耳那將千百計來日何窮已  
逝者不可追來者安可知正恐聞道晚勿言功用運  
誤點成駁牛妙技有餘賞作意畫虵足至今猶撫掌  
君看人間事類此或往往浩歎可柰何悠然起遐想  
中夜忽自省昔我今是非音聲故如昨齒長鬚滿頤  
有人夢中言子念無乃癡今猶昔人耳昔人安在茲



北山集一  
董明  
濯濯簷下溜刁刁樹間鳴蟲號百鳥鬧小大各有聲  
聲多不留礙響振元無形何殊百千炬光影各自明  
胡葵向晨照日引一尺長松栽四五年擢幹未出墻  
溥溥露方晞借此顏色芳各留一寸心試待九月霜  
春鳩一何拙社燕一何巧天陰逐其婦飲啄聊自了  
啣泥亦綢繆託此華廈好物生固有分巧拙均一飽  
糝糝新稟秭補此茅屋漏問云力田人歲事苦耘耨  
終年手足胝得此以自覆香杭一過眼糠覈餘蒲實  
昔年過吳江戀戀不能去臨江塵思盡廓若掃翳霧  
茲爲三年留已厭波濤怒乃知常人情趣新方捨故

軋軋田邊車卷卷不得休出之一寸痕益以幾尺流  
扶提暴中野強作田家謳車聲真哭聲天遠將誰尤  
少小思振竒頗恨身不長身長益多累信與憂俱生  
回思二紀間浪使儵忽爭誰能補黥劓反我孩與嬰

秋思

涼颼動秋思中夜一長歎月回西南隅澹若霜華亂  
清甘汲露井起坐待晨盥母爲事安眠急景不可玩  
午陰日以薄墜葉黃且枯遠舍足榆柳鳴條眼中踈  
芸芸悴方榮髮白不再青所以姑射子騎龍出蒼冥  
殘炎如老健雖壯寧復久新涼若涓流已快執熱手



蕭然發朝暮羽扇一芻狗移奪定誰尤論功亦何有  
飢蟬得清風向夕聲更急林間鳴絡緯長伴幽蛩泣  
青燈對青編秋氣已復然誰謂月有恨正應人可憐

吳縣游靈巖

春物已如許放舟出橫塘扶橈漾淥漲迨此白日長  
草木有佳色欣欣弄浮陽幽禽靜相呼乘和自翱翔  
春風不着人浩浩吹我裳終年思煩促於此興未央  
捨舟得平地陟彼萬仞岡明霞墮山西夜氣鬱鬱已蒼  
豈無從我遊夾道鬚髯張風來得好語落落隨低昂  
幽堂掃禪榻靜對燈燭光身輕浴新出境寂慮欲忘

虛窓忽含曉睡起日照梁羣山發春姿秀碧澹以芳  
晨光晞薄露草樹滋幽香徜徉尋昔遊步屨循長廊  
振衣一長嘯寸目了八荒上嗟百世基竟坐一笑亡

見劉禹錫詩

當時館娃地今作選佛場乃知諸夢境遁化豈  
有常飄然詠歸歟此適頃未嘗重來會有興肯使墮  
渺茫旁人挽予言借問身閑忙吾方有公事子去無  
相妨

古風送錢定國顯道

登崖無坦蹊下瀨無平波尋常即千里柰此巖阻何  
朝躋青陽破暮入黃牛過見之令人老况乃身所過



賴有萬頃陂洗我心煩痾

中林有幽華乃擅一國香終年不自見道路草木長  
應知當門病要謝移根傷終恐荷鋤人朔風襲流芳  
紉之瓊瑤佩致彼君子堂永捐盈腰艾扈服不可忘

扈恐作戶楚詞云  
戶服艾以盈腰

### 送傅國華墨卿赴保塞簿

閉門坐咄咄出門長太息問之何為尔歲月亦可惜  
褰衣臨大河跬步燕粵隔回車撫長劔玉食慘無色  
男兒重性命慷慨輕遠適非關飢所驅豈為五鼎食  
國華淝東來觸熱向河北行行四千里易去若持被

直怪無懷土念語軟心似石要令飽辛勤不使鳩安  
逸顧余一畸士束髮守編策夜闌相對語耿耿氣橫

臆保州幾窮塞百里望疆場蕭蕭易水寒壯士不復

得

易水在安肅軍之北  
安肅保州隣也君家義陽侯介尺八建雄績時平廓

信度胡頸安足赤深藏百僚底聊作青衫客吾徒會

時須要子繼休奕

傳  
玄

### 過方子通惟深

白日苦易晚我懷多隱憂憂思劇春浸浩漫不可收  
出門欲有適舉步且復休塵中等膠擾念此將焉投  
駕言城東北閭閻即巖丘是中有幽人厲志凌霜秋



寸田荆棘盡不假斤斧修門無雜車馬一飯乃見留  
虛堂芝朮香下有百尺虬蒼陰匝平地老幹森下樛  
堂中羅酒漿耿耿燈燭幽四天黠無光萬籟肅以惝  
惘然坐相向更僕語益適我身動乖迂夢寐喬松遊  
常恐在泥滓永爲天所囚會當從之子濯足萬里流  
夜聞壁間蛩鳴有感二首

露草亦已冷寒蛩獨無依入我壁間鳴出處定有時  
誰言秋氣高感此動物微我欲以意續一歎三嗟咨  
耿耿夜將旦殘星月邊稀

寒日苦易短燕鴻暮何之念爾捨沙漠爲此萬里飛  
銜蘆不厭高繫書端寄誰寒聲夜相呼客子涕已垂  
聲斷腸亦斷歸期各何時

夜半聞橫管

秋風夜攪浮雲起幽夢歸來度寒水一聲橫玉靜穿  
雲響振踈林葉空委曲終時引斷腸聲中有千秋萬  
古情金谷草生無限思樓邊斜月爲誰明

讀神仙傳六首

騎龍上天入太清繼世而往在我盈握鈴而呼大司  
命主非使者走折脛乃知神仙非智巧積功累行如  
邠鎬專懷邪辟祈長年誰言淮南鷄犬飛上天



安期生赤玉鳥遺之東海濱千年求我蓬萊下祖龍  
豈是千年人安期一量鳥葱嶺一隻履茫茫九州在  
泥滓至人去之如脫屣吁嗟祖龍蕭翁寧悟此

鯉魚腹中有隱符白魚腹中有素書鞭靈走石纜一  
戲騎麟上天亦徒耳誰能解衣涿水中使人呼指赤  
鯁公

莫作龍眉山頭客三百年不得作直故應未辦作李  
公投身百斛旨酒中鼓琴先生有怒色有愛終當爲  
物役江都王勿預人事俛蟲膏血使誰從汝索

崑崙下有三頃田赤烏玉兔蹲兩邊下有烏靈木灌  
以華池泉耕之不用一寸鐵使公家富不可說如坻

如京會有盡萬物皆吾橐中物搏泥作金何屑屑  
胥門着蔡經市門着梅福我爲松江吏與汝相望亦  
相逐高冠長劍衛士從有口底事使蠟封此身況不  
爲陳尉就公蠟封三尺喙不能擲米作珠爲狡獪

古釣臺歌送阮閱休美成泐檄浙東

餓夫一往西山空攫金肱篋清晝同東方作矣事何  
若玉柙未解裙襦中排肩炙手日卓午暮夜掉臂目  
送西飛鴻謂言冰壺不受汙正似馬耳經東風我思  
一人去我千載乃在淞水之東富春瀨山欽嶇兮直



雲漢溪流喧逐白石亂瀨聲盡處萬尋碧蟠蜒蜿兮  
守斯人之故宅旁人指山名釣臺下視九土氛黃埃  
投竿百牯何足道直拂三珠挂瑶草彼一人兮皎獨  
立清風爲神冰爲骨佩瓊蕤兮結明月紉蘅蘭以薦  
枕兮服龍淵之無缺羊裘蒙茸溪水旁大勝被袞升  
明堂劉秀發兵誅不道氣壓昆陽纔一掃登床撫腹  
坐太息始信赤符非至寶君房素癡定不癡致位鼎  
足何其危阿諛順旨署領絕安知直言身見殺我昔  
客新定挂帆七里灘正冠拜祠下巖巖千仞層臺巔  
神遊八海極鬚髯聆其語但覺萬古松風寒滔滔舉  
世無不可正自喪我非毋我嚴灘水清山翠微貪廉  
懦立歸來兮奎蹄絮縫不可以久棲

即事戲作四首

老鳥作巢一何拙柳條垂絲今秃缺銜枝復墮苦饒  
舌編條作巢枝錯節老鳥柳好汝勿傷藏鳥待得春  
葉長安巢令汝着哺母密葉更能庇風雨

齋前數柳樹爲  
老鳥取新條作

巢幾  
盡

黃雀黃雀飛相逐相呼門前啄遺粟啄粟飽即休有

人挾筯掃泥待作粥

數日門外輸苗遺粒狼戾黃雀喧  
集貧家小兒爭掃去謂之掃泥米

鶴唳固有似云何啄泥取蚯蚓蚯蚓食泉曾不惡鱖



魚蜿蜒尤不忍何如忍飢向芝田腥涎溷尔不得飛

上天

畜一鶴頗食腥穢可厭

烏啼未必惡麾去恨不早鵲噪兩耳聾主人亦言好  
安知一喙鳴喜戚自顛倒朝來群鵲噪不已童稚無  
知助吾喜群鵲自與烏爭巢慎勿喜歡真誤爾

齊前群鵲時噪

謝人惠硯

帝鴻墨海世不見近愛端溪青紫硯溪流見底寒且  
清光凝淺紺淵之精斧柯千古遺仙局雲暗半山含  
紫玉割雲鏡玉巧如神龍尾銅臺可奴僕君來自南  
數千里不載珠璣如薏苡芊芊溪草裹石硯文字之

祥直送喜明窻大几墨花春爐山吐蘭千穗雲虛中

含默靜相對那復草玄驚世人

劉禹錫有端溪石硯人間重贈我應知正草玄之句

穹隆葬事回邑有感

生別萬里餘會面終有期死別不轉眸一朝千古非  
白日光在天玄陰悶泉扉盈盈閨中秀土化成枯骷  
冠笄共甘苦謂見素髮垂那知死生變不待桑蔭移  
室有病時茵篋有嫁時衣了了眼中事閑粧靜容儀  
垂楊手曾折為我當春稀迅流無迴波落英無還枝  
空房閨無迹新墳草離離傷心北門道同來不同歸

遊華藏此君亭



山空木葉脫霜露日已寒蕭蕭歲寒子勁氣不可干  
下庇秋草根上棲衆鳥安煙梢掠雲漢過者仰首觀  
云何九衢罅有此五畝寬况當祗洹舍永謝翦伐嘆  
高人名此君千載莫敢刊豈同渭川封肯汙秦氏官  
鷓鴣未來食螟螣或見殘今年江淮飛蝗至食竹葉一空終然保常操特  
立良獨難我疑卞忠貞鐵石瑣肺肝遺骸寄此地藏  
碧留餘丹精誠入毛髮化此千琅玕見之發三嘆臨  
風肅衣冠

獨遊保寧鳳凰臺

飢鴉嚇腐鼠鳴鳥又不聞一登鳳凰臺目送蒼梧雲

山川麗晚日氤氳發餘熏覽此萬里輝振我衣上塵  
前瞻翠回環極望天無垠低昂互盤踞佳氣或未堙  
山坳指樓觀青骨今尚神馳煙謝逋客三徑久已榛  
長松眇如薺下有高世人不可作此道日以新  
回睇白鷺洲長江瀉沄沄遙岑出澹碧不辨楚與秦  
淮面在江左時符秦地也我行適淮西出處難重陳豈無羈旅歎乃有  
山水因茲遊頗幽獨作伴影與身寧辭足力盡聊使  
眉頭伸憑虛默自計逝將祈孔賓寄聲華陽老異日  
期相親

過劉姓園居甲申



負郭三頃稻並田五畝園人生如此足安用華其軒  
親戚居南陌交遊在東村有酒輒共醉傾輸見情言  
三徑雜桃李九畦蒔蘭蓀黃甘百頭奴碧梧萬支孫  
山供景無盡石映溪不渾桑麻中饋任布刈隣翁論  
下以活妻孥上以奉清溫時從赤松子亦訪吳市門  
嗟我抱此志十年若朝昏家山眇天末松菊豈復存  
茲園臨官道坐笑車馬奔前山復場圃䟽築隨坳墩  
我來適春穠亂眼紅青紛恍然動鄉思夢寄東飛雲

宿海會寺

萬杉堆青沒山骨雲埋七峯時出沒飛泉拂石瀉哀

湍下有萬古蛟龍窟藏頭睡熟呼不起地坼三年蝗  
蝻出千山脈理漬清甘一罇涓涓流石液同遊况與  
惠詢輩許主簿遠首座納屐振衣何勃窣大門當前新築道  
跨水曲欄欹突兀春鳴輾轆趁朝炊水剛懸流機械  
發措筇對此自三嘆抱甕老人長搢搢却坐幽堂忽  
浩歌回首已失西山日

山谷寺

初梁白鹿先生請以為觀志公飛錫先之遂為僧寺今有飛錫泉今靈仙白鹿所基也常苦無水而仁宗三聖御書歲度僧七人

竺法暨華土止傳骨與書金僊屹不動坐使四海趨  
山川第一勝盡為佛者居葱蔥瀟瀟之谷蛟鸞互盤紆



一為飛錫先方士回雲車顧眄榛楚地翬簷湧層虛  
英靈護泉脈飲此白足徒當年蓋國眾莫挽碧眼胡  
傳衣到三葉此地滋焦枯異氣生傑閣宸奎動天樞  
神龍盡傾向寶此明月珠三聖陟帝所雲章久寧渝  
餘霑及婆塞歲復六七夫堂中老沙門古態幾皇胥  
定知黃龍窟不着點額魚長老嗣黃龍南門開兩山陜萃然七  
浮圖沙步對石麓溪流清且徐危甍隱深樾間見碧  
與朱寺前隔溪山上有亭林間朝來雨脚斷雲氣尚卷舒懸知磴道  
滑一水不復逾州家有造請上馬及未晡

石牛洞

山上有左慈丹井洞有荆公題

陽城山頭遽如許金華山中呼不去癡牛脚墮天  
河共向空山飽煙霧阿瞞安知眇道士丹井至今存  
故處瑄淙萬古穿石斷峽束奔流鬧山塢嵬峩上鬱  
千仞勢洞下坡阨無塊土文公古句驚舊觀拂拭蒼  
莓增媚嫵亦欲磨崖放楚狂掃迹政恐山神怒

望九華

甲申

船發大雲倉五十里許顧江南眾山中有數峰奇爽  
特異一見即知其為九華問篙人果然因知褚季野  
於廣坐中識孟萬年正應如此作詩一首  
卷簾坐對江南山掠眼送青來疊疊雲泉肺腸久厭



餒挂頰悠然聊復尔奇峯遠澹忽四五爽秀駸駸逼  
窻几平生九華盛名下一見定知真是矣非關目力  
覩天奧正覺群山如聚米好山如人有高韻不獨江  
州孟公子直緣佳處無仕逕落莫道邊同苦李大是  
忘年耐久交藜杖青鞵結終始

谿行歎

潏潏石間流落落灘下石相因成悍嶮日夜更拒激  
化爲百雷車轉入千丈碧推舟上磊砢盡日不尋尺  
我行三伏中正自澁如棘干時久不雨陽炎去劇炊  
炙谿流僅如綫但見沙渚赤逶迤呼虵港百步涉重

磧迢迢神亭瀨界盪無遺力此身誠不貲此日良足  
惜胡爲弃分陰盡室寧難阨長謠飛仙章忼慨三歎息

山中對酒

秋容澹青山爽秀雨足清溪照千仞空翠疑可掬  
何年顧兔窟桂子墮山腹老香散深林屑王綴黃粟  
朝來客衣動一葉下空谷客心如焚絲日月共煩促  
曾中尚磊塊陶寫賴新綠要當酒千鍾澆我愁萬斛  
顧有獨醒人脩然倚枯木

二月二日富陽城東

閉門三日坐聽雨不知春光已如許桃花弄晴成艷



笑穠李怯風猶半吐當年赤白桃李花恨無佳人絕  
代歌無事對花豈易得有酒不飲將如何

一春何許最佳處柳色初勻思殺人風揉雨練不可  
觸明綠映空顏色新舊雨來時花未齊今雨一過花  
團枝明朝試踏城西路已復可憐枝上稀

桐廬道中書事

一星熠熠初尚微俄頃滿天如灼龜溪流黯黯四山  
黑怒芒當空唯太白舉頭仰書天漫漫飛星縱橫絕  
河漢新月未高不可見終夜起坐發三歎

題張太丞明園亭

京華真陸海聲利之所闐向來山林士往往去不還  
濡足未肯已沒身何足歎張侯翰林客金龜著朝班  
生平用一指談笑起廢殘紛紛多廬子名譽莫敢攀  
五十未云老幡然歸故山歸來謝奔走治此五畝園  
養樹如養生斤斧不浪干醫酒花如醫疾察標見其源

花譜有  
醫花法

上有十圍木蒼然午陰寬下有百步荷紅鮮映  
清瀾爽氣日多佳西山挂簷端安能九衢內髀肉磨  
韉鞍我今坐竒窮進退坎井間違已恨紆轡長飢思  
抱關當時彭澤令四壁唯瓢簞折腰未爲辱徑去曾  
無難而我亦何者栖栖猶強顏



送崔閑歸廬山四首

白露下修竹當窻作秋聲冷然拂商絃客子中夜驚  
振衣一長嘯下瀨如飛星昔者去草堂新松蔭軒榮  
別來今十年霜華着青青想見溜雨姿森蒼舞蛟鯨  
歸歟當及健羈栖亦何營

琅琊山中水韻入三尺桐琅然醉翁操發自玉澗翁  
流泉不成音寫寄十二宮醉翁不可見妙語聊形容  
嘗聞三峽泉上與天漢通請君記餘響相彼玉珮風  
此聲儻可繼那復有此公

論世得師友陶公乃其人清遊入夢寐廬山真夙因  
迺來二十年浪染衣上塵陶公去已久歟如空中雲  
廬山如高士可望不可親坐想虎溪路聞鍾動微蟬  
永懷爐峯頂飛煙發朝暉羨子歸故隱茲焉畢其身  
吾意久規往當從君問津

吾友胡少汲結廬皖公城瀟山有小隱背負紫翠屏  
前臨一溪水可以濯我纓欲分青山半留我谷口耕  
信美非吾鄉翩然遂宵征聞君草堂處亦復占地靈  
虛簷倚蒼崖下有玉澗鳴樂哉不可到因君懷友生  
黃魯直有食甘念慈母衣綻懷孟光之句  
用爲韻作五首以寄旅懷



據梧不必席，裹趺不必舄。飢來太倉陳，飽勝列鼎食。  
願言伏嵒巖，保此稼穡甘。正使能已百，寧當籠暮三。  
凋林如白鬚，色變不可染。招提據木末，清凜絕浮念。  
俯窺群啄雞，仰見烏哺兒。斂手不敢嚇，無爲傷彼慈。  
吳山視諸山，聳秀若諸母。上有一段雲，使我屢回首。  
激水向浙水，涼颯生遠澗。中有一雙鯉，爲傳我所思。  
高堂有華髮，游子行當歸。歸歟不可緩，霜露沾人衣。  
棼絲不可經，百結不可綻。吾今成放浪，豈復事編簡。  
羈游無好懷，坐看西日頽。壯心正不已，亦復何爲哉。  
伯鸞未山棲，俯首愧賢孟。一朝相告語，矯首謝三聘。

謝公卧東山，故有經綸興。夫人勸之仕，擁鼻作傖詠。  
終然爲時頂，起攬晉國柄。古人重行藏，二士聿有光。  
吾志屬有在，姑安此糟糠。

有美一人 乙酉

有美一人在，昭君藕絲爲衣。蘭作裙，君初顧言淑。且  
真直欲載以黃金輪，人心變化如浮雲。明粧覺暗笑，  
作顰何當還之承華茵。令君宴寢凝清芬。

有美一人在，煙汀朱顏朝滌玉。壺冰素手暮理朱絲，  
繩語言窈窕。丹鳳鳴坐持紈扇，睇秋螢何當還之翡翠。  
屏爲君把鏡，整衿纓。



有美一人在南浦月明採珠光照渚瑤衣被體金索  
縷獨抱幽寒沫煙雨何當置之白玉宇爲君歌陽春

激楚

有美一人在南國以下四首亡時鄒志宇  
在昭州曾子開在汀州陳瑩中在合浦

### 辯師鼓琴

上人芒屨麻爲衣常修如幻三摩提但依三業作供  
養坐見八德金沙池是中寶網間行樹微妙音出難  
思惟師從定觀去起奮迅寫之三尺桐與絲枯桐敦  
然若空谷人倚繩牀支槁木枯桐槁木靜相向中有  
世間無盡曲曲中有曲非宮商及門但覺聲琅琅罷  
琴一笑各揮手庭樹微風清夜涼

### 山中秋夜

丙戌

夜氣挾秋至颯然驚戶庭空山蒼清漏客夢忽以醒  
林梢月未墮流光委踈櫺冷露濕山桂寒蕤動幽馨  
整衣坐蒲團破屋呈稀星我身本無涯寒暑飽所經  
以彼泡電境勞此草木形吾猶昔人耳不與寒暑并  
遽然返初枕人境已兩冥

### 賦長興錢圃翁詩

學書要不成學圃苦不早向來執戟郎何似於陵老  
我無拏雲意所念在一飽閉門種蕪菁抱壅澤枯槁  
荒畦財一席嚙嚼到春草頗聞長城翁八十顏色好



城西有寬閑終歲常却掃安得五畝園如翁一生了  
秀州沈珪漆煙最善持葉翰林詩來求余  
詩爲作一首

白頭柱史寥陽居浮提龍檢封金壺千金寶液出方  
外灑作三元雲篆書至今道德五千字一一破闇如  
明珠安知此老天地祖聊遣二化爲詼娛華亭老工  
入吳市戲以淳漆滋松腹壁中科斗何足道勒崇正  
欲遵河圖故令墨客從毛穎玉堂伴直鄰清都如椽  
之筆吐光燄賡歌紀瑞無時無却分圭壁到蓬戶寂  
漠著書憐腐儒

漢光武覽河圖議封禪  
初欲以漆書玉牒云

吳下去冬不寒春不雨人以為病城中火  
災相仍自十二月至今凡八九發雍熙佛  
寺災勢尤甚閭里訛言相驚往往徙貨泉  
載家具日爲避火計二月乙巳郡守以承  
天佛寺慧感神像供府第爲佛事禳禱是  
日雨明日雪丁未又大雪農事有初火怪  
庶或熄人心稍安作詩記其事

飛蟲滿空冬不冰迎春草木皆天榮  
輓轡續綆楹桷燥緋衣老人白晝行  
城中一日二三發徼巡司武徒  
縱橫化城海藏湧地出耀眼金碧明  
青冥中宵瀕洞



半山集一  
卷一  
半天赤一彈指頃隨煙外重雲仙人具悲智脫徒珎  
麗依無生千年吳地赴緣感疾甚景響從形聲入塵  
應供始敷坐一雨便覺敲塵清黎明密雪灑四澤灑  
氣交徹何晶熒句芒蒙潤亦助喜眩轉鼓舞隨飛英  
畢方褫魄走荒外雖有光怪何由呈衡茅倦客正高  
卧浩歌黃竹飢腸鳴妻孥號寒不敢恨且尉南畝滋  
春耕

和葉翰林阻雨楓橋

白雨下車軸江湖與天鄰渾流已橫潰川陸無行人  
蕩蕩淮楚舟篙櫓動蕭晨淹留寒山寺河灣俯清淪

虛堂夢春草落紙佳句新長嘯寄遐想深談破無因

外道無  
因論

泊無軒裳累但覺山林親遲遲去魯意欲駕還  
逡巡陰霖固無限所念商農迤乃知君子懷絕出世  
俗塵

天寧潛老以山中春莫三詩投鴻慶尚書  
末章見及次韻荅之

大空無故新春物自來去風幡有時轉霜鐸深夜語  
芸芸無定在榮悴更彼此誰於百草頭了不挂絲縷  
當年白尚書居士衆稱首魔軍坐調伏消散如拉朽  
何如丹陽侯法鼓開聽牖方當與天遊豈復爲物囿



尚書比閱藏  
經深入佛海

踉蹌鶴阿師遮眼寄經籍苦吟思鳥可達觀泯儒墨

高軒時一過平聲解帶有餘適頽然後車人大瓠歎五

石孟郊贈無本云有時踉蹌行人驚  
鶴阿師可惜李杜死不見此狂癡

北山小集卷第一

北山小集卷第二

信安程 俱

古詩二

泊義興長橋

俠骨久已朽南山長上於菟當時老蛟窟遺種今有  
無我來適秋成場圃收刈初年豐似足樂薄酒儻可  
酤田家復何事父老仍愁吁滔滔五濁海所向誰當  
娛長年得強健且食清溪魚

遊善權寺

放舟荆溪上溪水清且徐雲中離墨山慘淡初有無

臺灣國家圖書館, NATIONAL CENTRAL LIBRARY, TAIWAN, R.O.C.



尚書比閱藏  
經深入佛海

踉蹌鶴阿師遮眼寄經籍苦吟思鳥可達觀泯儒墨

高軒時一過平聲解帶有餘適頽然後車人大瓠歎五

石孟郊贈無本云有時踉蹌行人驚  
鶴阿師可惜李杜死不見此狂癡

北山小集卷第一

北山小集卷第二

信安程 俱

古詩二

泊義興長橋

俠骨久已朽南山長上於菟當時老蛟窟遺種今有  
無我來適秋成場圃收刈初年豐似足樂薄酒儻可  
酤田家復何事父老仍愁吁滔滔五濁海所向誰當  
娛長年得強健且食清溪魚

遊善權寺

放舟荆溪上溪水清且徐雲中離墨山慘淡初有無

臺灣國家圖書館, NATIONAL CENTRAL LIBRARY, TAIWAN, R.O.C.



捨舟並松麓下直浮屠居竭來東軒上爽氣已有餘  
飛來定何年無乃與此俱奔流漱庭下比竹梁寒渠  
山深絕凡境物物清以臞蕭森倚巖秀天矯懸崖枯  
幽禽發寒唳響振高林踈我行亦良苦却步計已迂  
解衣卧清晝尉我千里劬

余自衛來姑蘇省女兒竟欲歸却行二百  
七十里訪江仲嘉於宜興故有却步之句

### 善權洞

嘗聞包山境中有林屋天旁通号地脉嶽瀆潜鈎連  
茲山豈其類瀕洞皆中穿二巖岌山足琤淙激奔泉  
牛羊走大石吐受無窮年金堂下石液雪積如烹煎  
從來米鹽稱浪播俚俗傳一洞啓山腹穹窿亦聯綿

誰題九斗字大篆仍深鑄中藏文五石屹若龍騰淵

回頭問主人

謂仲嘉

我輩定不凡云何逐官牒常得我

所耽向來共幽討九鑱藏芝巖而我自林屋翩然游  
皖瀟洪崖儻可俯不在南山南

### 白馬洞

披榛不知疲詰屈巖下路俄然見深窾偶步入巖戶  
一泓窈而澄百步清以務鴛人言紫髯仙白馬從此度  
磷磷盡赤石丹竈遺滓汙收藏已兒啼効速勝麻護  
因知世盲龍耳荒怪雜疑誤虛空如許大長嘯可平步  
胡爲萬山底躑躅向煙霧



神魚泓是日與諸公流杯中如西丘故事  
柳州固竒士戲好亦幽絕遠懷西丘飲千古清興發  
徜徉恨無所盤俎對羈紕聊爲五里行邂逅一壺挈  
神魚伏山根渟湛初一穴侵侵決寒溜沙石助清越  
披莎得盤石離坐若天設實觴競乘流眩轉亦飄瞥  
爭持或三醕遇坎時一蹶歡來朱碧亂笑罷巾帽脫  
相望西丘游詎易議優劣

九斗壇

善權山中

萬族同一垢齊州集微塵高靈不來下馱此濁惡薰  
從來築壇處往往清無鄰腥羶遠人迹庶或來仙真

茲壇峙幽絕尚有古制存龜圖布八隅彷彿數元坤  
黃冠道中塞寓址今祇園遊人躡其上未覺大象尊  
空令恨眊史不使群龍奔蓋公雖未見豈乏藥與垣

張公洞

昔年京江夜飛夢投雲山仍追謫仙老嘯詠層崖巔  
左盼俯無地蒼巒生紫煙當時賦幽賞妙境竟莫宣  
今我來自東扶橈漾荆川飽聞張公洞怪絕駭所傳  
聊從二三子一結青山緣北靈敞竒觀下矚壺中天  
恍然驚昨夢了了墮我前仄徑繚危棧重扃護靈淵  
竒礪互圾倚側洞時鈎穿初疑天台聚納此一室間



夸娥運神化不隘亦不顛又疑清都客翩然下雲輶  
幢旄儼行立導從森蟬聯丹梯香霧濕玉室珠璣懸  
撐虛一柱屹戴重三能騫鈇竈久已冷青驪那可鞭  
香壇望八景東晨開五使坡陀忽度險宛轉漫無邊  
或深如列厦或迤纔容肩高躋乍捫頂偶步欲墊泉  
不知行遠近一步目九遷噫嘻此天設端在太古先  
恨無少陵手寫之黃絹篇聊書夢中夢投筆一粲然

公羊粲  
然皆笑

### 借居毗陵東門四首

客去不能寐脩然清夜闌樓居俯長川仰視天宇寬

長川濯雲漢錯落星宿秀寒青燈故可親且還對塵  
編其人骨已朽千載與我言掩卷三太息虛簷清露溥  
急景不可挽吾生豈無涯吳中十年舊鬚鬢亦已華  
嗟我壯且老方知失林鴟欲歸巷無廬欲駕塗無車  
而子亦羈滯心事如蓬麻人生無巧拙命耳將如何

吳中十年舊  
謂傳冲益

猗猗隔河樹羃羃綠堦草時當長養候顏色豈不好  
萌芒忽柯葉茂大旋枯槁滔滔不自知但見壯而老  
人生亦草木萬化迭侵擾朱顏日夜變素抱豈自保  
借居臨官道堂陰俯長河前車接來軫後棹紛相摩



我獨居其間超然嘯而歌頗從故人語安用高軒過  
旁有五畝園不知主誰何時能曳屐往豈異吾山阿

和柳子厚讀書已丑

事賤及多暇居卑適無虞人間不爭地聊此謝畏途  
豈無營營子孰視付一吁塵中亦何有坐聽日月逾  
展卷閱千古置書忘萬殊不妨權子母亦復商有無  
平生僅識字乃與憂患俱持此遊學海層臺漸積蘇  
年來但遮眼頗覺心恬愉囊錢足自飽肯怖騶朱儒  
起卧一塌間兀如檠株拘涼風北窓下不減愚溪愚  
誰能三萬卷懸頭苦劬劬小極正當寐睡魔不須驅

虞君明暮和劉氏園居詩再用前韻作因

以叙出處之意

靖節真有道高懷俯黃園翹足北窓下超然詣羲軒  
早悟俗中惡歸老三家村清詩有遺味誰知本無言  
回觀一世間不辨艾與蓀青黃飾斷木冠裳裹王孫  
當時甚寒餓聲利終莫渾公今二千石此事安足論  
入當陪雋賢峩冠宣與溫出當仗漢節登車金馬門  
豈爲尚平子但畢兒女昏我今乃窮士壯圖無一存  
摧頽風埃下坐見歲月奔歸歟乃其分卜勝如浮璫  
他年有餘食會見脫世紛過我五湖上一區同子雲



陪君明華藏燕集復用前韻

華藏萬竿玉何殊辟疆園城中最佳處時復過高軒  
危亭望北郭依依遠人村露葉有佳色桃蹊亦無言  
纍纍古藤陰附石如菖菘下有小衡霍嶺岼列兒孫  
方池是魚樂水作千里渾座滿北海客文追謫仙論  
襟期樗散鄭目擊忘言溫斯須接棊戰堅壁如轅門  
不有覆舟慮寧爲注金昏越醫死更起齊霸王爲存  
日入萬籟息羈禽趣林奔林間屹層臺此豈蕭公墩  
倘佯步松月香霧時披紛胡床興不淺點綴無微雲

初秋偶題

涼風入高梧冷翠滴幽露新娥欲西流綽約一回顧  
中霄汲冰華爽氣拂庭戶蕭然視天宇目送流螢度  
微雲澹河漢雲漢亦容與宜搜靜中境安得此佳句  
和傅冲益冬夜獨酌用柳子厚飲酒詩韻

忽忽歲晚晚幽懷寄芳樽及茲寒夜永寫我憂思煩  
放杯獨長謠翁如負晴暄那知曲身直但覺冰腸溫  
遙思石亭林玉雪今正繁安能松窓下撚鬚哦五言  
須君尋昔遊攀梅擷蘭蓀勝事難重得悠然空默存

項與冲益遊義興諸山間甚  
適石亭有梅數百株勝絕

秋日市區作



火壯亦已老朝昏發微涼高梧逼秋枕曉夢不得長  
區中了無營起卧在一牀時時忽忘我徑至無何鄉  
是身亦何為萬化詎未央竭來蘭陵市三見草木黃  
頗欲索其身窮年就庚桑臨淵故有羨說食誰能嘗  
尚有平生懷嶮崎類癡狂佳時坐自失恐復墮渺茫  
有生浪營營有志終遑遑胡為自前却坐待兩鬢霜

客舍寫懷呈王八丈侍郎五首 辛卯

君門如雲漢可望不可攀地上挾冰子肉身無羽翰  
豈無國士知勢有不得言空懷激揚意歸坐自長歎  
此意重千金寧論官九遷所媿誤賞音賞音從古難

長安窮居客一日一歲長况乃夏方半迢迢良未央  
頽虬駕瓊車萬里飛炎光冰崖不可見仰視峯雲翔  
蝸蟠兩辟間跂想深夜涼一喝非死所念之熱中腸

其誰卧清晝雲犯羅千章

東髮營五斗飄然落江湖當時尚癡絕秣驥初問途  
去國十五年俯仰同朝晡心隨澤中雉官作竿上魚  
及茲財一遷名實初未殊且當百里地磨研城旦書  
一室不可掃陰晴兩非宜朝繩汗簡編暮蚊入裳衣  
尔來三日雨門有一尺泥所喜庭戶間新涼洗餘曦  
貧賤無造請閉關良不癡



白雲浮東南下有姑胥臺去家桃始花歛見溫風來  
久無萬金書一使羈懷開倚門有華髮扶床有提孩  
雖無凍餒憂百慮不可排何當放雙槳黃流入清淮  
秋將穫水行田中不復留因窵媵通溝引  
水過堂下小兒以芒葦作車其上晝夜決決  
不休戲書壬辰

轉無時休推行作止莫可諏孰居無事供其求迫而  
後動真無尤眩轉自彼非吾謀屈伸臂頃一萬周我  
無欣馱何名憂孰能觀身與此侔衆假合集成堅柔  
沈輕燥溼交相仇逝川洄洑更春秋滔滔南北東西  
遊死生壯老休王囚形骸流運我則不物境萬變何  
其幽

同江彥文緯江仲嘉裒度菱湖嶺游三衢  
諸山道靈真出入巖谷勝絕可駭雜然有  
卜築之意然此地寥閬人所不爭小隱不  
難致顧吾曹出處何如耳二公皆修真養



氣精進不衰予晚聞此道又爲憂病頓挫  
志倦體疲每思益友儻得靜舍安餘年資  
二子以待老豈不樂哉作詩叙游且志本  
末巖谷之勝實自仲嘉發之予嘗聞而賦  
詩所謂武陵迷漢魏妙喜斷山川者也甲申  
我昔未省事俵俵如病狂仰規結繩初下歷漢魏唐  
謂此紙中語卷舒在行藏功名戾契取有志要必償  
趺足方不暇何由放洪荒行年冠而字世故頗已嘗  
試窺竺乾書出入應帝王丘軻有妙蘊合處如官商  
形骸乃塵沫笑唾却老方蹭蹬過二紀身如浮海航

風濤浩無際寄命蛟鼉鄉外爲萬緒嬰丙以百慮戕  
摧頹不一偶病骨無由強初心益乖迕始覺計未良  
擬追赤松遊補我黥劓創惟時子真子青衫尉南昌  
亦有虬鬚翁種桃擷春芳不求飛霞珮肯受紫錦囊  
至言無旁午照用寂以忘爾來又十年前却方彷徨  
何殊一日暴正坐多岐亡虬鬚彼幽人物化不可量  
子真日千里似欲窮扶桑安知阡陌間共此暇日長  
廣文今稚川腹有雲笈章黃金儻可成綠髮不復蒼  
養生百千門一一登奧堂相從崑壑間笑傲無羲皇  
衢山甚竒峭不數三石梁嶽崎盡中空玉室聯珠房



九日濱未落洪波怒懷襄洄流蕩沙壤靈

犯名忽以

彰至今衆玉聚山骨堆琳琅我空怒睨踞出谷驚龍  
翔委蛇青童轍散亂初平羊懸崖執力欲墜植筍森分  
行晨光乍映發紫翠雲霞張攀龍維趙公巖九土何茫  
茫豈無太平酒浣此膏穀腸側身棲真洞跼蹐仍踰  
跟深行得穹窿陟降殊未央舉頭見空圓欸若來飛  
光翠出衆山底恍蕩疑無旁故應却塵污九壘蒼屏  
障斯遊固足樂質象不可詳要之大洞中太山一毫  
芒回鞭靈真路林磴森相望窮幽得巖谷高青對崢  
嶸地行九鎖中宛轉流泉聲琤琮瀉哀湍力與亂石

爭懸瀑或尋丈勢洶洪河傾泠泠赴深竇或如環珮  
鳴或於蒼藪中琴筑時丁丁或穿嵌崿下洄洑儲深  
清或如鐵堂硤絕壁飛猿驚龍蛇走根幹薜蔓懸珠  
璣或如鈷鈿西竹樹春冬榮低昂牛馬飲偃蹇熊羆  
登或如袁家渴長陰晝冥冥草間蘭芷香石上梗楠  
青或如瀟谷中坡陀負萌騰或如三峽底仰見匹練  
明聯綿道林麓左右臨洮城行行川谷開藹藹臯原  
平冥搜已復失巧語未易名不意天壤間雲關啟金  
庭向來保幽邃不挂世俗稱輪蹄固無迹樵牧或未  
經吾屬豈神悟權輿標地英昏嫁會當畢衡茅茲可



營二子早聞道勤行得貞寧要收十年功不止九府  
卿二樹結佳實五腴練飛瓊處靜已超靜留形要遺  
形我懶百不堪寸田方力耕會從浮丘伯及此洪崖  
生乘風御倒影出入撫八紘下窺冰炭士擾擾盤中  
蠅三人笑相視事願良難并此志不可負無爲滯塵  
纓清泉聞此言白石相與盟作詩紀勝絕亦用銘吾膺  
戲呈虞君明察院暮癸巳

三仕三已心如空一壑一丘吾固窮門施雀羅正可  
樂車如雞栖良不惡胸中九華初欲成綵衣玉斧雙  
鬢青世間何樂復過此不失清都左右卿

長安陸海知洪爐五金出入無精滷平生椎鈍堅重  
質一往融液隨流珠請觀五石大瓠種正以濩落浮  
江湖環中何者爲榮辱千鍾何如三釜粟坦途緩步  
東方明大勝跨虎臨深谷

君明見和再作

十年接浙家屢空門無八關延五窮誰言浩浩有餘  
樂世故撩人工作惡君不見韓非白首終無成至今  
說難書汗青要之賦命默有制巧拙安知司馬卿  
羨公腹有金丹爐凡泥六一何其物棗梨扶疏荆棘  
盡夜半北海收明珠爾來問舍浙江曲正以畫筭觀



西湖我生抗讎今耐辱貧病欲貸監河粟他年公伴  
赤松遊遺我刀圭固玄谷

出北關再以前韻作寄

從公十日羈愁空超然似欲忘途窮神遊八極共天  
樂浮白不應嫌客惡元次山以不飲者爲惡客中年偃蹇百無成唯有  
見賢雙眼青狂歌時有眇道士擬賦懼仙非長卿  
平生清夢遊香爐雲鬢翠犖確衢山狷不應近捨武林  
秀僧寶况多滄海珠勝遊屢約不成往白雨連日翻  
平湖公如二疏方不辱我亦三吳甘脫粟會當乘雪  
叨公門正恐鳴騶還入谷

雨霽行西湖二首

晨輝麗春山雨過松竹香連峯翠欲滴動搖雲水光  
長堤如卧虹草暗路已荒菰蒲破綠淨老葑日以張  
念昔總角遊祗今二毛蒼物境既非昨我身安得常  
半生走三吳問舍如捕風敢辭百尺樓高卧媿元龍  
向來江道人卜宅湖山中安知三十年忽如化人宮  
蒼雲翳脩竹飛閣凌春空主人兩鬢霜驅車大河東  
豈念五畝園方作萬里封而我志幽獨長年羨冥鴻  
翻無容足地茅茨剪蒿蓬

哭阿申二首



我生百不諧進退得坎井二毛初抱子亦足慰衰冷  
珠庭照日角眉目秀而炯人言驥墮地意作千里騁  
居然萬金產每見百憂醒嗟哉時夜計便欲老箕穎  
安知隨泡露變滅失俄頃悲來淚成河俯仰吊孤影  
遺劍日以遠刻舟那可求滄溟一漚發散滅何當收  
而我舐犢悲中懷不能休推排更嵬磊棘刺生衿喉  
夜夢多見之犀玉照兩眸沉憂信傷人曉覺雙鬢秋  
深慙東門達恐効西河尤所念盛德後一身如綴旒

秋夜寫懷呈常所往來諸公兼寄吳興江  
仲嘉八首

秋聲不關人倦客偏入耳蕭蕭舞黃葉策策振踈葦  
明知壯則老搖落固其理如何石心人嘔歎中夜起  
蓬蒿沒三徑藤蘿上瓜廬時聞步屨聲歎關問何如  
定坐無雜語文章較精麤馬融辭東觀抗麟與世踈  
顧此窮巷士華顛空著書屬王元規防

外監嗟已遠吾猶識其孫森然見孤韻辯作懸河翻  
低頭向螢窓有類鶴在樊讎書五千卷字字窮根源  
頗携未見書過我樵無煙屬賀方回鑄

向來霜秋句俯仰歲一終人間有寒暑方外無窮通  
青青千丈松不改冰雪容坐閱蒲與柳飄蕭隨雨風